

Broj: 1-11-16-4-3041-9/17
Mostar, 10.11.2017.godine

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 69. stav (2) tačka a), člana 70. stav (1), (4) i (6) Zakona o javnim nabavkama („Službeni glasnik BiH“, broj: 39/14), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj: 63/10), direktor Agencije za pružanje usluga u zračnoj plovidbi Bosne i Hercegovine na osnovu zaključka sa 54. sjednice Uprave Agencije održane 06.11.2017. godine, donosi

ODLUKU

o poništenju postupka javne nabavke usluga održavanja radio-navigacionih uređaja

Član 1.

Prihvata se Preporuka Komisije za javne nabavke broj: 1-11-16-4-3041-8/17 od 02.11.2017. godine i poništava se postupak javne nabavke usluga održavanja radio-navigacionih uređaja u skladu sa članom 69. stav (2) tačka a) Zakona o javnim nabavkama jer nije dostavljena nijedna ponuda u određenom krajnjem roku.

Član 2.

Ova odluka objavit će se na web-stranici Ugovornog organa: www.bhansa.gov.ba u skladu sa članom 70. stav (6) Zakona o javnim nabavkama BiH.

Član 3.

Ova Odluka stupa na snagu danom donošenja.

Obrazloženje

Otvoreni postupak javne nabavke usluga održavanja radio-navigacionih uređaja pokrenut je Odlukom o pokretanju postupka javne nabavke broj: 1-11-16-4-3041-1/17 od 08.09.2017. godine i objavom Obavještenja o nabavci broj: 1250-1-2-102-3-62/17 dana 03.10.2017.godine na Portalu javnih nabavki, kao i Sažetka, objavljenog u „Službenom glasniku BiH“ – Oglasnik javne nabavke, broj 72/17. Rok za prijem ponuda je bio određen za dan 02.11.2017.godine do 12.00 sati, a otvaranje ponuda je bilo određeno za isti dan u 12.30 sati.

Procijenjena vrijednost predmetne javne nabavke bez PDV-a je iznosila 70.000,00 KM.

Komisija za javnu nabavku (u daljnjem tekstu: Komisija) imenovana je Odlukom broj: 1-11-16-4-3041-2/17 od 08.09.2017.godine.

Dana 02.11.2017. godine Komisija je dostavila Upravi Agencije Izvještaj o radu broj: 1-11-16-4-3041-7/17 od 02.11.2017. godine i Preporuku o poništenju postupka javne nabavke broj: 1-11-16-4-3041-8/17 od 02.11.2017. godine.

Uvidom u Izvještaj o preuzimanju tenderske dokumentacije od strane ponuđača, preuzet sa Portala javnih nabavki, konstatovano je da je 5 (pet) ponuđača preuzelo tendersku dokumentaciju.

Utvrđeno je kako je Komisija u svemu pravilno postupila, te da je preporuka o poništenju postupka nabavke data u skladu sa Zakonom i podzakonskim aktima. Naime, u postupku predmetne nabavke nesumnjivo je utvrđeno da nije dostavljena nijedna ponuda u određenom krajnjem roku čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2) tačka a) Zakona o javnim nabavkama odlučeno je kao u članu 1. dispozitiva ove Odluke.

POUKA O PRAVNOM LIJEKU: Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.



Dostaviti:

- web stranica BHANSA-e
- a/a